



UDRUŽENJE GRAĐANA GEODETSKE STRUKE

„GEODET“

ZAVNOBiH-a 11, 75 000 Tuzla

www.uggs-geodet.ba

PREDMET: Pozivnica za sudjelovanje na seminaru „Projekti zemljišne administracije u Tuzlanskom i Posavskom kantonu - iskustva, koristi i naredne aktivnosti“

Poštovani,

u cilju predstavljanja aktualnosti sektora zemljišne administracije te rezultata i izazova koji predstoje tokom sljedećeg perioda, u organizaciji Federalne uprave za geodetske i imovinsko-pravne poslove, udruženja „GEODET“ Tuzla i CILAP projekta predviđeno je održavanje seminara **25.09.2018. godine** u **Hotelu Mellain** u Tuzli sa početkom u **10:00 sati**.

Cilj je predstaviti trenutne aktivnosti u procesu usuglašavanja katastarskih i zemljišnoknjižnih podataka i saradnju Federalne uprave za geodetske i imovinsko-pravne poslove s nadležnim katastarskim i zemljišno-knjižnim uredima pri realizaciji projekta „*Registracija nekretnina*“ – RERP, koji se provodi i u jedinicama lokalne samouprave u Tuzlanskom i Posavskom kantonu.

Također, cilj seminara je upoznavanje zainteresovanih sa iskustvom izgradnje *Adresnog registra*, Registra cijena nekretnina i *Digitalnog arhiva* čije se aktivnosti provode uz podršku CILAP projekta, a koji bi bili od koristi za javne organe vlasti, građane i druge zainteresirane strane u Federaciji BiH.

Federalna uprava za geodetske i imovinsko-pravne poslove prethodnih godina je uz podršku CILAP projekta, te kroz aktivnosti financiranja iz proračunskih sredstava Federacije BiH i zajedničkog financiranja sa upravnim organizacijama kantonalnog i lokalnog nivoa pokrenula inicijative uspostave, održavanja i distribucije podataka o adresama na području Federacije BiH.

Adresni Registar sa ažuriranim i tačnim podacima dostupnim javnosti omogućuje učinkovito upravljanje administrativnim procedurama i procedurama zemljišne administracije. Registar cijena nekretnina daje veliku priliku za pružanje odgovarajućih informacija tržišnim sudionicima na tržištu nekretnina.

Održivo i transparentno tržište nekretnina je temelj za privredni razvoj i ulaganja. Jedna od tema seminara je i prezentacija razvijenog sistema upravljanja digitalnim arhivom. Softver je izrađen imajući u vidu trenutno važeće međunarodne standarde u predmetnom polju, te imajući u vidu domaće pravne propise i institucionalne okvire u sektoru zemljišne administracije u Federaciji BiH. Jedna od tema seminara je prezentacija „*Sistem za upravljanje katastrom komunalnih uređaja*“ koji se provodi na području Tuzlanskog kantona.

Budući da je seminar namijenjen svima onima koji direktno ili indirektno učestvuju u aktivnostima koje se provode kroz RERP i CILAP projekt u Tuzlanskom i Posavskom kantonu, čast nam je pozvati Vas da sudjelujete na seminaru.

U svrhu blagovremene organizacije, ovim putem Vas molimo da nas obavijestite o sudjelovanju najkasnije do **19.9.2018. godine**.

Kontakt osobe su Alen Mešaljić i Edis Imamović, te obavijest možete slati na email adrese. Ostali detalji vezani za Program seminara se nalaze u prilogu ovog dopisa.

Kontakt osobe:

Alen Mešaljić 062/319-277; alen.mesaljic@uggs-geodet.ba predsjednik udruženja

Edis Imamović 061/884-380; edis.imamovic@uggs-geodet.ba sekretar udruženja

Predsjednik Udruženja

Alen Mešaljić